

時輪金剛法會緣起

引言

時局艱危極矣智者無所用其謀勇者無所施其力此蓋同業之所招非一二人等究心密法稔知時輪金剛一經有護國息災拔苦濟危之力特議啓建時輪金剛法會請 班禪國師主其事曾草擬一文徵求合肥段芝泉先生同意 先生極爲讚許並以原文長廣未易通俗特爲親撰發起文一通以表信向而勸來者 先生爲國家元勳法門長者於世出世法具真知灼見而富弘願悲心讀其文即可以知其事願捐資出力各勉其能隨喜讚揚同歸於善庶不負先生之苦心抑亦 同人之所感禱也原文附後不厭求詳可兼一寓目焉

時輪金剛法會緣起

合肥段祺瑞

密宗部中時輪金剛推爲首列世尊成道期年後顯現法身在鷲峰山說般若波羅密多經時併在印之德聚梗集塔中說時輪金剛經香拔喇國王月善親爲記錄其國在印度之北境地形圓內有如蓮蕊之大雪山花分八瓣推行四遠兩瓣相距中間長河靈氣所鍾形狀奇異月善歸來造大壇城於馬拉雅大林之中貯經於其間相傳四十三世多地



藏文殊及遣邊威德諸明王所化現後八百年班禪希魯幹與低薩且幹布教於印度希利巴喇波的及波藥羅慧稱先後傳至西藏綿長至今未嘗稍輟此時班禪國師及安欽呼圖克圖適來與辛大法師動法會之議向者震旦緣熟達摩東來一花五葉宏揚於華夏時輪金剛又何獨不然小之救一國之災大之乃滅全世界之浩劫其他及身成佛者更不暇以數記也但向在印藏結緣不廣所以歐洲之戰禍東隣之震陷我國念年之擾攘不已者無非同業之感召有以致之因果循環世人不察負佛悲憫之懷要知亘古未聞之奇異今已相繼而不絕倘劫再見恐十百倍于前更有出人意料之外者俾體佛之大慈大悲普度宏願速登衆生於彼岸皆莫時輪金剛若也今屆末法之際人心澆漓又值大陸之衝寰宇比隣啓發益廣不惟灌頂學人功成圓滿卽在四十里內當傳法之日虔心觀想亦得灌頂之效其他一覩壇場一聆法音能脫一切罪戾亦可結他日往生之緣雖然佛法無量無邊大千世界莫不函育其中何災害頻加而不已良由衆生困於情欲自拔無術無緣難度深盼悲心信願之士普爲傳播速其醒悟俾知法會難逢回頭是岸自當爭先馳赴勿待事後追悔云爾

時輪法會勸發起文

自頃江淮浸災。積劫鮮有。歷二十年人禍之不足。而繼以十餘省天災。千百萬人民。飢溺死徙。哀我遺黎。其何以獨蒙災厄若此。靜言思之。天心與人事。固有息息相關之理。往者一遇災患。則上下修省。以爲圖救之道。徵諸史冊。其例尤多。近若歐美諸邦。國有大事。亦且依其宗教禮儀。深致禱祈。布之明令。獨吾國人事之力既不及。而戒懼之心日益淪喪。同業相感。衍爲天災。及今不圖。後將何極。考日月風雨等。屬諸天文之類。今世學者。率覃併所及日進精微矣。然窮原竟委。確固不移之論。則尙未之見焉。其至吾國往時河洛易數。代有傳人。然至唐一行而其術始更精。一行學本梵密。後世無傳。惟西域顯密各宗。較吾完善。就中時輪金剛一經。上起日月星辰。下訖草木沙石。配以吾人一身精氣脈絡。無毫末差。今彼精此學者。遇日月剝蝕。風雨愆期等事。率於一身驗之而皆準。並有以咒禁風雹爲業者。卽唐一行。亦曾有繫豕隱星之事。明乎此。則知天人感應之道。特患不能窮其理。不得遂謂無其事也。今

歲夏間。班禪國師臨蒞舊京。適有豫變。有叩之者。師曰此無礙。且恐有四大之變。及水災起。又有問者師謂過去難挽。宜防其後。循味微言。足發深省。夫以昏墊之後。堤防盡決。市廛凋弊。民力已殫。即令來歲雨不及半。而災象已屬可虞。倘更過之。勢將奈何。懲前毖後。思患預防。此同人等所以有時輪金剛法會之議也。復次辛亥至今。兵禍之烈。無歲無之。其身受者之隱痛若何。非局外人所能共喻。然怨忿之氣。上干斗極。確有能召致災異之理。時輪經以日行常軌。每月一週。爲業氣所引。一日一週。不能自己。其他星纏。亦無一物能逃業繫之外。陳義至精。如何滿被。召致休徵。道在於此。寧待外求。各省年來不乏追悼薦薦之舉。然假諸例行水陸。其力究微。若以時輪法會超度釀解。使無量飄泊無依沉魂滯魄。都得往生香拔喇國。正與本尊願力相應。依西域大德留記。昔第一班禪曾作香拔喇部主。未來且復生彼。今卽請其化身應緣。據理當有特殊功德。昔元明清時。喇嘛供奉。主持國醮之事。定爲例典。蓋經多數名宿考證。且恒有立竿見影之效。非羈縻之膚論可比也。今班禪已晉

受國師。亦應假以事機。以資法潤。且不僅限於吾國。即歐洲之大戰。他土之紛爭。拔苦澹災。悉資利濟。其次國歷歲差。在明時即已假西人之手。今得此經。則國故之遺缺可補。舊籍之幽隱可通。內以貫天人合一之機。外以決心物互爭之論。卽舍宗教而言哲學。亦吾人應具之常識。况發揮光大。更東方學者之事乎。其在治內學者。一切情器世間之關係。大體雖能言之。然詳細列舉。則顯經實少依據。卽東密之卽身證佛。亦僅微露其端。至時輪則身心世界之關切。曲盡靡遺。近取諸身。遠取諸物。修顯教者。得此知所趣。修東密者得此知所進。卽修外道者。得此亦知所返。更就修淨土言。彌陀樂邦。去此土十萬億遠。接引往生。必須一日至七。一心不亂。吾人生在末濁。心易紛惑。况當救死之不急。其能安坐清齋。一念前往。而靜待佛迎者。能有幾輩。惟時輪一經。屬釋尊懸記香拔拉國土。將來降伏魔外。廣宣正法。一切六道含情。若遇傳法因緣。於四十里內。凝念觀想。卽身未入壇。身是親受灌頂。生香拔拉國。或遇傳法因緣。到場游觀。雖未知求法。但一聞鈴聲。一睹壇儀。亦得生彼

作佛。此無上密宗大機大用。殊勝至極。既非吾人心識所能較量。亦且顯經未聞斯方便。綜上所舉。列其大者。於科學人事外。就宗教哲學中。解決過現未來。天時人事。一切疑難癥結者。尙賴有此。吾人粗尋故籍。歷經世事。凡諸災祥之見端。善不善必先知之。寧能外古人之陳說。然欲以數千年之故籍。而解新興之淆訛。封迷信之譏謗。發人心之趣古。則時輪金剛一經尙焉。苦以未經漢譯。無師不傳。且更非泛泛阿闍黎所輕易授受。今幸 班禪國師。以萬里外之藩封。來作不請之法主。親履漢蒙。近在咫尺。因緣時節。若有默主之者。此時輪法會之不可以已也。惟事方創始。疑信參半。有以食肉帶家。致疑彼教者。不知多寒國土。食雜三淨。世所共知。今拉薩之三大寺。香積。皆在家施主。遠自千百里外。輦致自死殘餘之肉以作供養。僧侶無故殺而食者。又密乘行者。一切食息。皆依所修本尊法儀軌。以爲則。不能自異。無上密宗。有以食作護謨想者。有以食作供養濟度想者。其外更有極重要之理。屬於上聖大機大用之現化。非入室者不能窺其奧。卽以顯律論。亦曾有不禁之例。今印度

。錫蘭。緬甸。暹羅。乞食之制尙存。可參觀而得。吾土守蕭梁之遺。素食清齋。彼方學人。皆甚稱讚。未敢加毀。彼依其儀軌而行。同屬佛制。各行其是可也。至帶家之說。則藏中除黃教外。間或有之。然彼皆未受沙彌比丘戒者。與吾國在家居士等。至於男女習尙。較吾稍別者。彼自無姬旦官禮。程朱家法。殊風異俗。所在有之。與僧侶無涉。惟佛法本有以五欲作佛事之說。佛在世時。天女散花。妓樂供養等。彼方以此爲獻讚之功德。我乃以此爲譏謗之資料。亦徒爲彼所竊笑矣。總之僧侶有賢愚之分。未可舉一以例百。大道有費隱之嘆。未可貴耳以賤目。凡欲道問學。致廣大而進精微者。姑虛此心以探索之。則自有豁然貫通之一日。茲於議請 班禪國師之前。特三致意焉。願吾國人開拓心眼。以求自廣也。今天災人禍亟矣。內憂未已。外患紛來。雖有科學萬能之國。尙感窮於應付。我獨何恃以無恐乎。惟戒懼修省。以此心格天。以此心敬事。即以此心息災增福。祝國祈年。心一而已。用之於此。則敬勝怠而吉。反是。則怠勝敬而凶。同人等輾轉三思。所以有議請 班禪國師。主持國醮。

作大祈禱。爲死者超薦。爲生者祈福。卽爲過現未來。此土他土。此世他世。一切四生六道含情抱識。求受時輪金剛灌頂。以接未來往生香拔拉國因緣者此也。所謂香拔拉者。華言持樂出。地在印度之北。乃娑婆之淨土也。自世尊成道至今。歷二十餘國主。皆地藏文殊等諸大菩薩所化現。至二十五部主神武輪王。始與此土通。釋尊教法。於焉勃興。所以濟顯教之窮也。凡得生其土者。類以時輪等無上密宗爲修習法。卽身親證。欲悉其詳。閱時輪大註。並土官呼圖等略傳。凡所以禳災乞福。自利利他者。道莫過此。仰願政府當道。十方檀越。哀我土之陸沉。人民之無告。力難自拔。窮則呼天。相與解囊飲資。助此善舉。羣情所集。誠可格天。多難興邦。殷憂啓聖。或亦剝復之轉機。否泰之交迭時乎。邦人君子。盍垂注焉。

香拔拉國記 並時輪金剛密法緣起

印度之北有國焉。梵名香拔喇。華言持樂出。蓋國土豐樂。人鮮苦惱。得自在護持之謂。自佛世至今。時輪教法。未嘗中廢。且益增盛焉。初釋種中有香拔噶者。始王其地。遂以其名名之。其地形圓。中如八瓣蓮花。蓮瓣分處。長河間之。內有如蓮蕊之大雪山。每蓮瓣上。各有十二兆區邑。合全地共九十六兆區邑。邑各有長。一兆區邑中。有十萬大城。區邑中心。更有大城曰北方噶拉巴。彼南有馬拉雅大林。林中有月善國王所造之時輪金剛大壇城。爲七寶所成。東曰鄰海。西曰白蓮海。北爲諸法王宮殿所居。初國王名日光。嗣有七法王。一名月善。二名帝釋。三名威嚴者。四名月賜。五名大自在。六名雜色。七名帝釋聚。後又有二十五邑聚。初名稱。次名白蓮。三名善。四名尊勝。五名善知識。六名寶手。七名徧入藏。八名日稱。九名最善。十名尊勝海。十一名王難。十二名日。十三名雜色。十四名月光。十五名龐身。十六名守地。十七名德守。十八名獅子。十九名壓伏。二十名大力。二十一名不滅。二十二名人

中獅。二十三名大自在。二十四名魔身尊勝。其子曰大輪。卽神武輪。適當第二十五代。綜此二十五邑聚。及前七法王。後又有十一代。共四十三國王。皆地藏文殊等諸大菩薩及遣邊威德等諸明王所化現。歷王彼土。教化衆生。乃娑婆之淨土也。初釋尊成道後一年。歲在癸未之三月十五日。佛在鷲峯山。說般若波羅密多經。同時復在印度西南德聚纒集塔中。顯現法體口自在十二種諦義。其上並現十六種德聚星宿壇城。斯時月善法王與九十六法王。並無量清淨眷屬。於金剛體性大壇城中灌頂。聞宣說此時輪金剛根本經。月善法王親記錄已。乃迎奉於香拔喇國。建時輪金剛大壇城。註根本經共一萬二千伽陀寶頌。此時輪金剛密法住持香拔喇國之緣起也。嗣經六百年。初邑聚主妙德稱。講此經歷一百年。特爲化度日車諸神衆。又造時輪根本經集疏。凡稱邑聚云者。乃一切邑攝於金剛部之謂。其後邑聚白蓮在位。講根本經集疏。仍歷一百年。再造大註。名無垢光論。其時有班禪希魯幹。與低薩且幹等。由香拔喇至印度。弘揚時輪金剛密法。復有希利巴得喇波的。及波樂羅慧稱等。二十五翻譯。先後

至西藏。由是時輪金剛密法更廣傳於藏衛。先是有火空鳥族。當第十邑聚尊勝海之甲申年。倡行摩沙教。共有七師。與一切眷屬。其名曰阿爾叨。曰阿懦噶。曰怕克丹。曰基邦汪波。曰白衣者。曰馬都馬的。曰窘沒結克。內又有大爾丹。或名巴冷西樂勒。以數學爲主。傳彼摩沙教。於是印度之莫思的克巴等外道皆歸焉。佛寺始大被摧殘。迨第二十二丁卯之丁未年。西域以丁卯年得時輪經故以是年建首邑聚神武輪卽位。越五十年。其時顯教之阿毗達摩教時已過去。密教四時末法方始。印度之西。有伊吉利者。摩沙之族也。起無數軍隊。至悉達江之南。降伏印度西藏。更進握南瞻部洲主權之半。率兵攻香拔喇。是時適邑聚神武輪在位。此王生有神通。誕日天降寶輪。爲統一大瞻部洲之兆。有御風之馬九兆。神象四億。部兵無數。由香拔喇至南瞻部洲之悉達江。在印藏交界與摩沙大戰。斯時摩沙王名吉利比勞來者。將軍至此爲神武輪擊斃。其大將二。一名大月子。一名庚專者。復被神武輪王大將哈魯滿。與惹枯寶格殺之。一舉而修羅之族降伏盡淨。普天率土。咸歸神武輪王。大乘妙法。沛然勃興。福力所被。人壽漸增自一百

歲以至九百歲。比於文佛正法時。衆生受福。有過之無不及也。其詳載時輪金剛大註解。次之則隆多魯法師時輪目錄。今特出其略者。考摩沙外道。與摩思特巴教略相似。當佛法未至香拔喇時。其地卽有摩思特苦巴派。特無摩沙爾。其教不習禪定只認現世。昧因果。以惱害衆生爲藝能。今各地之宗教甚多將來大抵統歸於摩沙一派。爲伊吉利所統屬。至神武輪即位之五十年。始盡降服之。是後顯密兼弘。直至一千八百年後。釋尊五千年教法。始告圓滿。密教更多住世一百零三年。凡他土菩薩發願欲生南瞻部洲者卽指此。又徧知德聚海法師密記云。神武輪時。一切勇男男女女等皆至香拔喇國。是時龍樹菩薩之身首。將復聚合。卽以其故身起而示教。又宗喀巴祖師之肉身。現尙供奉藏中將來有名阿薩惹者。將親來迎奉祖師至天竺說法。綜諸舊聞。聊撮大略。世俗塵封。易滋訛惑。故少及焉。

節土官呼圖克圖一切悉曇因緣與教論琉璃鏡略傳

起薦時輪金剛法會募捐啓

年來兵禍頻仍。生者死者。兩俱不安。怨毒之氣。結爲災厲。共同造因。則共同受報。欲挽回之。仍須羣衆一心。始能通感。古人遇災而懼。側身修行。遂足以召致嘉福。今則人心浸以衰矣。故必假聖人之深經密義。冥被暗加。其效始著。此同人等所以有時輪金剛法會之議也。蓋時輪爲無上密宗。未經漢譯。密經初至。必有其緣。假此以利顯濟幽。其理可準。又時輪一經。詳論轉移星辰災變之理。今天變人怨。舍此誰爲挽回。二密宗護國若晉之佛圖澄。唐之司空尚矣。然千數百年。久經絕響。今已值其機。應踵前賢。藉資救拔。三密宗以灌頂比於受記。以一經灌頂。便爲作佛基礎。吾國學佛。多依顯教。藉此因緣。預階佛位。甚爲勝事。四時輪專爲三百年後。化度此土衆生懸記。吾輩值此。已是當機。况灌頂人數。至少十萬。發心受法。遠近無礙。此爲他宗所無。現前錯過。殊爲可惜。同人等爲護國息災。祈求和平。並幽明兩利起見。議起斯會。以需款甚鉅。非一二人之力所能勝。應請十方善信。邦人諸友。無男

女大小。出家在家。慨發捨心。量力捐助。細流歸海。集腋成裘。同種勝因。
回向成佛。國難既靖。天心可回。轉禍爲祥。視茲一舉。

附譯五部密宗經軌募緣起

頃以天災人禍之俱來。內憂外患之無已同人等始有起薦時輪金剛法會之議。將以禳災護國。利顯濟幽。重荷十方信施。讚其事。樂其成矣。惟此會於誦經卷外。須資十萬人傳法。既傳法矣。必令受法者知法之本末。與修之次第。於是乎有待於譯經。既譯經矣。則此略彼詳之處。須借他經以足之。此引彼證之處。尤須借他經以通之。如貫牟尼珠。如擊常山蛇。無上密宗。五部之法。法法交會。其例自爾。譯而傳之。今殆其時。往者什法師之來秦。唐三藏之入竺。顯宗經典。蔚爲全藏。厥功偉矣。然自唐以來。瑜伽密宗。條爾一現。遂流東海。今雖陸續匯歸。只屬於第三級法。未竟全豹。此外第四級無上密宗。尙有大威德一部。漢藏中載有略本。至清乾隆時。經呪館中。始譯出儀軌。與灌頂法。上年復有蒙古喇嘛袞却辛上師者。將起正二分講義。及護謨閉關等儀軌譯出。此宗可得其全矣。獨上樂金剛。密聚金剛。嗟特金剛。時輪金剛與金剛持次第。及菩提道次第等或舊無譯本。須新翻以補之。或舊有譯本須搜集

以足之。或古無今有。譯而未竟者。又須繼續以完成之。俾顯密都全。蔚爲寶藏。卽單就顯宗論。亦得由淺入深。由顯至密。貫穿聯絡。俾學者曉然於下手用功之路。而後學佛成佛之旨乃彰。亦免數千年來貿然修定之弊。更進而令此土他土。今世來世衆生。悉得視見卽身證佛之密。入卽身證佛之位。此無量殊勝功德。不成於往昔太平之世。而見於今茲末法之時。吾儕與斯功德者。至少於若干劫前。親事十方諸佛。植福德本。亦且於若干劫後。親承十方諸佛。授記作佛。決定無疑。不可以具縛凡夫自疑也。抑安知往者逍遙園之主伴。慈恩塔之師從。非卽今日之吾輩。乘彼願力。來竟前功乎。言念及此。不禁自慶自喜。自重自任也。依現在預計時輪法會若得五萬金功德。當以三萬金作佛事。以壹萬金供養譯主。壹萬金充譯場費用。先以藏文翻漢。草創其事。再謀潤文刊印。以竟其功。茲因勸啓薦時輪金剛法會。爲附陳其事於此。仰願十方檀越。各界善信。欣大法之難逢。幸宿緣之有在。成此功德。並以回向四生六道。抱識含情。卽凡夫身。親證佛位。更願此土他土。此世他世。時和年豐。國難

不作。人樂太平。則同人之所懇禱也。

發起人

李協和	李雲書	李徵五	陳良初	李耆卿	姚吾剛	張雲卿
朱子橋	續炎午	杜月笙	湯斐予	陶星如	倪文卿	王槐卿
許靜仁	王逸塘	張嘯林	程綠生	陳證如	丁桂岑	彭我新
王一亭	茹雲台	屈文六	殷鑄夫	魏海樓	朱燮臣	黃瑞生
程頌雲	黃金榮	黃涵之	彭淨仁	周紫珊	吳蘊齋	黃子霖
虞洽卿	姬覺彌	傅宗耀	謝衛臆	朱子謙	王曉籟	王竹邨

第二次加入發起人

張仲仁	張菴鷗	徐冠南	黃任之	王東園
葉玉甫	陳陶遺	陳元白	關綱之	曹纘蘅
熊秉三	葉香石	簡玉階	周守良	毛西峰
李贊侯	龐萊臣	聞蘭亭	江味農	席雲生
李印泉	施省之	狄楚青	黃伯度	沈惺叔
				顧揚君

平津發起人

陳寶琛	張廣建	陳錦濤	朱清華	朱虞生	王壽彭	徐良
李盛鐸	翟文選	任鳳苞	江朝宗	孫潤宇	陳能怡	增德
吳佩孚	周作民	李厚基	管翼賢	徐文蔚	阮肇昌	汪敦
孫傳芳	吳鼎昌	陸錦	楊庶堪	陳仲文	丁士源	奎珍
張鳴岐	張志潭	王廷楨	蘇體仁	沈吉甫	卞白眉	蔡祖年
鹿鍾麟	張石公	蔡成勛	魏信臣	阮壽岩	孫多鈺	張煥相
王樹翰	王承傳	楊以德	吳漢湘	俞君飛	錢澄	梁士模
李石曾	張栩	王永泉	張名振	陳聘丞	<small>賀喜業勒圖墨爾根</small>	向乃祺
王人文	談荔孫	衛興武	蔡國器	劉鷺瞻	楊萬春	冉瑞麟
張繼	李培基	張敬堯	董士恩	楊朗齋	朱紹陽	錢世祿
吳景濂	陸宗輿	陳文運	馮家邁	陳受之	汪青	張鴻誥
曹汝霖	賈德耀	冷家驥	陶湘	王毓霖	傅立魚	湯銘鼎

龔心湛	張樹元	湯薌銘	葉瑞葵	呂漢雲	李燮陽	陳興廉
靳雲鵬	王承斌	胡嗣瑗	多興	韓玉辰	黃雲鵬	夏廷猷
高凌霄	張弧	姚震	岳榮堃	蕭永壽	王子甄	溥修
達理札雅	袁克定	高增爵	王孟鍾	周秀文	吳言欽	諸以仁
吳光新	談國桓	周肇祥	楊蔭孫	鄧如琢	周渤	洪鑄
柯紹恣	趙元禮	曾毓雋	許漢卿	向迪琮	烏爾吉圖	胡漸達
載野雲	言敦源	高友唐	崔露華	李翊灼	鄧振璣	黃英
王克敏	陳樂山	姚國楨	黃溶	歐陽溥存	李文釗	李顯知
寶熙	楊壽枏	段宏業	孫鴻猷	曾學孔	李宣侗	歐陽旭德
賈晉德	鈕傳善	段宏綱	莊仁松	唐士行	蔡曉舟	劉榮熙
陳炯明	王彭年	楊增華	徐世章	張伯烈	錢桐	台源
徐源泉	朱深	胡耆康	丁福田	黎澍	敖景文	蕭方駿
石青陽	呂均	馮恕	胡瑞霖	謝立生	陳光勳	陳應龍

施肇祥
李芳春

蔣尊祿
胡英麟

吳兆元
鄂奇光

錫壽
陶樸

朱煥靡
樊增祥

張樹枏
李政

李臨陽
鄧繼佺

快郵代電

國民政府各院長部長各軍師長各省政府市政各公署各法團各報館各佛教會均
 鑒
 迺者烽煙稽天。瘡痍徧地。火燄神州。洪流華域。誰為為之。使至斯極。意者
 人謀之不臧乎。蓋亦共業之所感也。去秋平津滬瀆同人。以災患頻仍。剝膚將
 及。懼大亂之未已。思懇禱以回天。乃議啓建時輪金剛法會。禮請 班禪國師
 主持之。籌措半年。資糧稍集。茲特假北平雍和宮西倉。成立事務所。並擬於
 夏歷三月十五日。為薦會之期。首以時輪金剛密法。結緣灌頂。以回向法界大
 衆。同生持樂佛邦。次即修護摩法。以為此土息災。亦願他方無禍。掃禹域修
 羅之魔跡。化殊方偏執之褊心。同時更聯合十方僧伽。通告各省佛會。讀誦大
 部般若。開講護國仁王。各就所履之土。各乘所矢之誠。所以集衆思通幽感也
 。至若各方當道。各省達官。或現將軍宰官身。或現長者居士身。或屬本會檀
 那。或是法海施主。擬為續懇 國師。應機傳法。俾諸仁者。所過者化。人天
 增歡。有願必從。冤仇釋怨。從此民康物阜。歲稔年豐。干戈永消。水旱不作
 。是則本會之私願。亦是聖言所量示者也。所望各省於此期內。專誠秉志。利
 顯濟幽。澹災拔苦。惟茲事體大需費孔多。仰賴一切能仁。各方善信。或施以
 財。或助以力。細涓歸海。可泛慈舟。集實成山。不辭瘞土。更冀先事預備。
 屆時隨喜。聲既響應。福亦踵臨。所有建醮理趣。具載緣啓諸文。其他修法儀
 式。要當陸續布告。特此先達。諸希鑒照。時輪金剛法會叩。

發起人

李協和 李雲書 李徵五 陳良初 李耆卿 姚吾剛 張雲卿
 朱子橋 趙炎午 杜月笙 湯斐予 陶星如 倪文卿 王槐卿
 許靜仁 王逸塘 張嘯林 程霖生 陳設如 丁桂岑 彭我新
 王一亭 聶雲台 屈文六 殷鐸夫 魏海樓 朱燮臣 黃瑞生
 程頌雲 黃金榮 黃涵之 彭淨仁 周紫珊 吳蘊齋 黃子霖
 虞洽卿 姬覺彌 傅宗耀 謝衛臆 朱子謙 王曉籟 王竹邨
 張仲仁 張蕪鷗 徐冠南 黃任之 王東園 趙雲韶
 葉玉甫 陳陶遺 陳元白 關綱之 曹鑣衛
 熊秉三 葉香石 簡玉階 周守良 毛西峰
 李贊侯 龐榮臣 聞蘭亭 江味農 席雲生 顧揚君
 李印泉 施省之 狄楚青 黃伯度 沈惺叔

第二次加入發起人

平津發起人

陳寶琛	張廣建	陳錦濤	朱清華	朱虞生	王壽彭	徐良
李盛鐸	翟文選	任風苞	江朝宗	孫潤宇	陳能怡	增德
吳佩孚	周作民	李厚基	管翼賢	徐文蔚	阮肇昌	汪敦
孫傳芳	吳鼎昌	陸錦	楊庶堪	陳仲文	丁士源	奎珍
張鳴岐	張志潭	王廷楨	蘇體仁	沈吉甫	卞白眉	蔡祖年
鹿鍾麟	張石公	蔡成勛	魏信臣	阮壽岩	孫多鈺	張煥相
王樹翰	王承傳	楊以德	吳漢湘	俞君飛	錢澄	梁士模
李石曾	張栩	王永泉	張名振	陳聘丞	賀雲龍	向乃祺
王人文	談荔孫	衛興武	蔡國器	劉鷺瞻	楊萬春	冉瑞麟
張繼	李培基	張敬堯	董士恩	楊朗齋	朱紹陽	錢世祿
吳景濂	陸宗輿	陳文運	馮家適	陳受之	汪青	張鴻誥
曹汝霖	賈德耀	冷家驥	陶湘	王毓霖	傅立魚	湯銘鼎
張心洪	張樹元	湯鄉銘	葉瑞葵	呂漢雲	李燮陽	陳興廉
靳雲鵬	王承斌	胡嗣瑗	多興	韓玉辰	黃雲鵬	夏廷猷
高凌霨	張弧	姚震	岳榮堃	蕭永壽	王子甄	溥修
達理札雅	袁克定	高增爵	王孟鍾	周秀文	吳言欽	諸以仁
吳光新	談國桓	周肇祥	楊蔭孫	鄧如琢	周渤	洪鑄
柯紹忞	趙元禮	曾毓雋	許漢卿	向迪琮	烏爾古圖	胡漸遠
載野雲	言敦源	高友唐	崔露華	李翊灼	鄧振璣	黃英
王克敏	陳樂山	姚國楨	黃滄	歐陽溥存	李文釗	李顯知
寶熙	楊壽枏	段宏業	孫鴻猷	曾學孔	李宜侗	歐陽旭德
賈晉德	鈕傳善	段宏綱	莊仁松	唐士行	蔡曉舟	劉榮熙
陳炯明	王彭年	楊增華	徐世章	張伯烈	錢桐	台源
徐源泉	朱深	胡香康	丁福田	黎澍	敖景文	蕭方駿
石青陽	呂均	馮恕	胡瑞霖	謝立生	陳光勳	陳應龍
施肇祥	蔣曾禱	吳兆元	錫壽	朱煥庸	張樹枏	李臨陽
李芳春	胡英麟	鄂奇光	陶樸	樊增祥	李政	鄧繼任
周學熙	李欽	何國璽	趙南山	李韞珩	劉一公	萬聲揚
鮑星桂	路孝忱	蔣謙孫	龔學遂	蔣大川	黃伯忠	蕭文鐸
鍾琴西	周篤誠	趙楚叔	譚逸如	衛立煌	張鴻藻	周憲文
蒲志中	莊仁松	王森甫	朱一民	王尹西	李文質	楊綿仲
許寶衡	石英	孫自平	熊育錫	岳宏羣	周介嗣	陳文中

有願加入發起者請函電本會以便加補按照收到先後日時於每星期彙刊一次

